

REFERAT SAA- Sanarfinermut Avatangiisinullu Ataatsimiititaq d. 10-08-2023

Mødedato Torsdag d. 10. august 2023 kl. 18:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Paamiuni iliveqarfik pillugu misissueqqaarnermik aallartitsineq.....	6
2023-mi asfalterinerup killiffia.....	9
Ataatsimiititap angalanissaa, ukiaq 2023.....	12
Sanarfinermut Avatangiisinullu Ingerlatsiviup 2024-mi sanaartugassatut kissaatigisaanut missingers	15
Kommunimut pilersaarummut tapiliussatut siunnersuut 4B4-2, Inuussutissarsiuteqarfik, mittarfiup :	18
Paamiut pillugit 2024-mut Tamakkiisumik pilersaarutip tamanut tusarniaassutigineqarnera.....	21
Kommunimut pilersaarummut tapiliussassatut siunnersuut 4A8-2 Ningitsivimmi inissiaqarfik, Nuul	24
Kommunimut pilersaarummut tapiliussaq L9-1, Kiattua, Amitsuarsuk, Nuuk inaarutaasumik akuers	27
Kommunimut pilersaarummut tapiliussaq, 1C26-2 Qitiusoqarfik Tuapannguit, Nuuk inaarutaasumil	30
Pilersaarummut qinnuteqaatip KapiCamp Hoteli illuaqqallu inaarutaasumik akuersissutigineqarnera	33
Aningaasaqarnermut Inuussutissarsiornermullu Ataatsimiititap aamma Sanarfinermut Avatangiisinu	37
Upalungaarsimanermut immikkoortumut pilersaarut 2023-2026.....	40
Kommuneqarfik Sermersuup aamma Københavns Kommuniata akornanni illoqarfittut ikinngutigii	45
Oqaluuserisassanut tapiliussaq: Kuummiuni majuartarfiit pillugit siunnersuut.....	48
Lukket.....	51
Taasariaqartut allat.....	52
Imaqarniliap akuerineqarnera.....	53

IMMIKKOORTOQ .: Saqqaa

Ilaasortat:

Pele Broberg (N), *siulittaasog*

Uju Petersen (IA)

Lone Rosengreen Pedersen (IA)

Naya Sophia Pedersen Lyberth (IA)

Justus Hansen (D)

Peter Davidsen (S)

Dines Mikaelsen (S)

Beslutning

Ataatsimeeqataasut:

Uju Petersen (IA)

Lone Rosengreen Pedersen (IA)

Naya Lyberth (IA)

Peter Davidsen (S)

Attaveqaatitigut peqataavoq:

Justus Hansen (D)

Ataatsimeeqataasinnaanatik nalunaartut:

Pele Broberg (N)

Peqataanngilat:

Dines Mikaelsen (S)

IMMIKKOORTOQ .: Oqaluuserisassat akuersissutigineqarneri

Beslutning

Oqaluuserisassat akuerineqarput imatut allannguutilerlugit:

Immikkoortoq 13 kinguartinneqarpoq. Ingerlatsivik qinnuigineqarpoq suleqatigiissutissatut suut periarfissaanerini siunnersuusioqqullugu.

IMMIKKOORTOQ .: Nalunaarutit

Beslutning

Siulittaasup nalunaarutai aggustip qulingat

Sanaartorneq:

- Illoqarfiup qeqqani meeqqerivik nutaaq, tunniussinissaq ingerlanneqqarpoq, atia aggustip ulluisa 17-ianni nalunaarutigineqassaaq aggustillu ulluisa 22-anni aqqissuussineq ingerlanneqassalluni
- Kuummiini arsaattarfik ivigaaraasalik suliarineqarpoq
- Qeqertarsuatsiaani arsaattarfik ivigaaraasalik ingerlanneqqarpoq
- Sanaartornermut immikkoortortami sulisut juulip ulluisa 24-anni Qeqertarsuatsiaanut suleqatigiittut angalaqatigiitigalutik suliariorput
- 571/23, Nuummi suliniutinut aqutsisoq Qinnuteqartut sisamat akornanni ataaseq piukkunneqqarpoq. Atorfinititsiniarneq ingerlanneqqarpoq, isumaqatigiissulli sulisut atsiorneqanngilaq
- 573/23, Nuummi suliniutinut aqutsisoq Qinnuteqartut sisamat arlaannaalluunniit piukkunnaateqanngilaq
- Iserit A/S-imiit sulisut marluk atornerqartut suliuunnaarput, taamaattumik sulisussaaleqisoqarpoq.
- Sanaartornermi pilersaarutinut tunngatillugu suliniutinut aqutsisunik amigaateqarpugut. Sisamaannangornikuuvugut taakkunanilu marluk sulinasuuartarput PPV-nillu suliaqarlutik marlullu pilersaarutinik allanik suliaqartuullutik.
- Sulisussaaleqineq pissutaalluni sulianik kinguartitsisariaqartarpugut. Ass. Tasiilami asfalterisuinissaq aappaagumut kinguartinneqqarpoq. Kommunimiinnaanngitsoq sulianik naammassinnissinnaaniassagatta pitsaaneruseq ataqatigiissaarisooqarsinnaagaluarpoq.

Pilersaarusiorneq Oqartussaaffeqarfilla:

- Suliasarpassuaqarnnermi sullissinikkut ulapaarfungaatsiarpoq.

Upalungaarsimaneq:

- Immikkut taasasaqanngilaq. Ulluinnarni ingerlatsisoqarpoq.

Ingerlatsineq avatangiisillu:

- Ulluinnarni ingerlatsisoqarpoq. Immikkut taasasaqanngilaq.

Taasassat allat:

- Stabschefitut atorfilik soraarniuteqarpoq allamillu pissarsiortoqarpoq.
- Atugarissaarneq pillugu aggustip ulluisa 18-ianni sulisut ulloqartinneqassapput.

IMMIKKOORTOQ 1: Paamiuni iliveqarfik pillugu misissueqqaarnermik aallartitsineq

Beslutning

Ilisimatitsissut tusaatissatut tiguneqarpoq.

Ilanngussat

Misissueqqaarnerit 2023

Paamiuni iliveqarfik pillugu misissueqqaarnermik aallartitsineq

Ilisimatitsissut

SagsID.: EMN-2023-03056

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Paamiuni ilerri inissaat amigaatigineqarput suliarlu kinguartinneqarsinnaanngilaq. Taamaattumik allaffeqarfik pilersaaruserfik 20D1-imi iliveqarfiup allilerneqarnissaanut misissueqqaarnermik aallartitsivoq.

Inunngortunik toqusunillu nalunaaruteqartarneq, ilisinerit iliveqarfiillu pillugit Inatsisartut inatsisaat nr. 13, 6. Juni 2016-imeersoq naapertorlugu kommunip iliveqarfiliorneq suliassaraa:


§ 16. Kommunimi innuttaasunut iliveqarfinni ilerri naammattumik inissaqarnissaat kommunalbestyrelsip isumagissavaa.

Imm. 2. Iliveqarfinnik pilersitsinissaq, aserfallatsaaliuinissaq atorunnaarsitsinissarluk taakkunungaluk aningaasartuutit akilernissaat kommunalbestyrelsip akisussaaffigaa, takujulli § 19.

Illoqarfiup qeqqani pilersaaruserfik 20D1-imi iliveqarfik ulikkaaqqavoq iliveqarfillu nutaaq pilersaaruserfik 20D6-imiittoq Kirkegårdsvejimiittoq 2023-p qiteqqunnerani ilerrinut 15-inut missaannut inissaqartoq nalilerneqarpoq. Naak Paamiuni innuttaasut amerlassusii ikileriarsimagaluartut, ukiumut toqusut amerlassusaat ikileriarsimanngillat, taamaattumillu ukiumut 20-t missaannik toqusoqartarpoq. Naatsorsuutigineqarpoq Paamiuni toqusut amerlassusaat Paamiuni ukiumut ilisinerit amerlassusaannut takussutissaalluortoq. Taamaattumik naatsorsuutigineqarpoq 2024-p ingerlanerani ilerri inissaarutissasut.

Kommunimut pilersaarut naapertorlugu 20D1-imi heliportikup tungaanut iliveqarfiup allilerneqarnissaa periarfissaavoq. 1.000 m²-inik allilerneqarsinnaasoq nalilerneqarpoq. Assersuutissatut iliveqarfik nutaaq 2.000 m²-iusoq ukiut qulit sinnilaarlugit naammassimavoq. Taamaattumik 1.000 m²-inik alliliinikkut ilerri inissaannut pisariaqartitsineq ukiuni tulliuttuni tallimani matussuserneqassasoq naatsorsuutigineqarpoq. Sanaartorneq 2024-mi aasakkut ingerlanneqassaaq.

2016-imi Tasiilami iliveqarfik 3,3 mio. koruunit atorlugit allilerneqarpoq.



Ingerlatsivimmit aningaasatigut sulisoqarnikkullu naliliinerit

Misissueqqaarnissamut aningaasartuutit misissueqqaarnernut pilersarusiornermullu aningaasaliissutinit akilerneqassapput. Suliassamik pingaarnersiui neq misissueqqaarnernut allanut sunniuteqassaaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- o Inunngortunik toqusunillu nalunaaruteqartarneq, ilisinerit iliveqarfiillu pillugit Inatsisartut inatsisaat nr. 13, 6. Juni 2016-imeersoq

Ilanngussat

1. Misissueqqaarnerit 2023

IMMIKKOORTOQ 2: 2023-mi asfalterinerup killiffia

Beslutning

Ilisimatitsissut tusaatissatut tiguneqarpoq ima oqaaseqaateqarluni: ataatsimiititamit kaammattuutigineqarpoq ingerlaavartumik innuttaasut asfalterinerup sumut killinnera pillugu ilisimatinneqartarnissaat pillugu. Ataatsimiititaq isumaqarpoq massakkut asfalterinerup killiffia naammaginangitsoq.

2023-mi asfalterinerup killiffia

Ilisimatitsissut

SagsID.: EMN-2023-03010

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Allaffeqarfik matumani suliassamik saqqummiussinermi Nuummi 2023-mi asfalterinerup killiffigigallagaanik saqqummiussiumavoq. Asfalti aasaanerani taamaallaat qallersuutigineqartarpoq, asfalti minnerpaamik 5 gradinik kissassusilimmi panertumilu qallersuutigineqarsinnaammat. Ukiuni ataasiakkaani sila apeqqutaatillugu qallersuutigineqartarpoq assigiinngiaartumik annertussuseqartarpoq. Ukiuni makkunani asfaltiorfimmu tunngatillugu pissutsit immikkut ittuupput, mittarfiliornermimi asfaltiorfiup mittarfiliortunit atorpeqarnissaa sallinneqarmat. Ukiorlu manna aggustip naanissaata tungaanut, minnerpaamik, asfaltiorfik mittarfiliornermi taamaallaat atorpeqartussaavoq.

2023-mi kommunimi asfaltigassatut allaffeqarfimmit pilersaarutigineqartut 3.300 tonsit missaanniipput sulilu namminersortunit asfalt 6.900 tonsit missaanniittoq inmininnerneqarpoq, taakkulu kommunip akinut allattorsimaffii malillugit akilernerqartussaapput. Ukioq manna manna tikillugu asfalt 1.200 tonsit miss. kommunip suliassaataanut atorpeqarpoq aamma asfalt 1.400 tonsit missaanniittoq namminersortut suliassaataanut akilernerqartussanut atorpeqarpoq. 2021 ukiuni kingullerni asfalterisarnermi ukioq pitsaanerpaajusimavoq, ukioq taanna ukiup ingerlanerani 5.000 tonsit missaanniittoq qalliutigineqarsimammat. Suliassat naammassinngitsuukkat ukiup tullianut nuunneqartarput.

Asfaltilersuinermi angusaagallartut allaffeqarfimmit naammagisimaarneqarput ukiumullu asfaltilersugassatut pilersaarutinut naapertuullutik. Asfalterineq nangeqqinneqassaaq mittarfiliortut 2023-mi suliartik naammassippassuk, ukiamullu silap ajornartingikkaangagu asfalterisassapput.

Kissarneqqortuunnguup aamma Nuukullaap aqquserngi ajungaarmata asfaltilersuineq kisimi naammannaviangilaq. Aqquserngit kusserngillu asfaltilersuisoqannginnerani iluarsaateqqitassaapput. Nuukullak siullermik aqqusineq sinerlugu kussiorneqassaaq kingusinnerusukkat betonimik natilernerqartussamik. Taanna siunissami qamutinuun motoorilinnut ataatsimullu aqqusineramik avissaartitsilissaaq, aqqusineq taanna illuinnaanut ingerlaartinneqassaaq pisuinnaat biilertullu isumannaatsumik inissami taama annikitsigisumi immikkoortinneqarnissaat qulakkeerniarlugu. Asfalti massakut qallersuutaasoq piivillugu peerneqassaaq nutaamillu aqqusinniortoqassaaq ujaraaqqanik qallersuilluni, kingornatigullu 2023-mi ukiakkut asfalterisoqarnissaa naatsorsuutigineqarpoq. Suliassap tamarmi, kusserngit allallu ilanngullugit, 2024-p ingerlanerani naammassineqarnissaa naatsorsuutigineqarpoq.

Kissarneqqortuunnguaq taamatulli ajortigivoq. Taanna pillugu Ingerlatsivik aqqusinermut pilersaarummik naammassineqarsinnaasumik suli naammassisaqanngilaq. Taamaattumik putut matoorneqassapput asfaltiorfik kommunimit atoqqinneqalerpat. Taanna utaqqiisaasumik aqqiissutaagallassaaq, ataavartumik aqqiissuteqartoqarnissaata tungaanut.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat nr. 16, 17. november 2010-imeersoq

Ilanngussat

Soqanngilaq.

IMMIKKOORTOQ 3: Ataatsimiititap angalanissaa, ukiaq 2023

Beslutning

Inassuteqaat 1: Inassuteqaat akuersissutigineqarpoq.

Inassuteqaat 2: Sap. ak. 46 angalaffissatut toqqarneqarpoq

Ilanngussat

Ataatsimiititap angalanissaannut aaqqissuussaaneq (1. juuni 2021-mi aalajangiussaq)

Ataatsimiititap angalanissaannut pilersaarut

Ataatsimiitap angalanissaa, ukiaq 2023

Aalajangiiffigisassaq

SagsID.: EMN-2023-00928

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- ataatsimiitap Norgemut angalanissaa akuersissutigineqassasoq
- periarfissaq 1 imaluunniit 2 (ataaniittut takukkit) aallaavigalugit angalanissaq toqqarneqassasoq

Suliassamik saqqummiussineq

Ataatsimiitap angalanissaanut siunertaq marloqusaatinneqarpoq. Siullertut Kommuneqarfik Sermersuup iluani illoqarfiit nunaqarfiillu pillugit qinikkanit paasisimasaqarfigineqarnerunissaat ilisimasaqarfigineqarnerunissaallu kiisalu kommunimi innuttaasunik oqaloqateqarnissaq ataatsimiitit angalanissaanni siunertaavoq. Aappaattut Kommuneqarfik Sermersuup avataani angalanermi ataatsimiititap suliassaqarfini pillugu paasisaqarnerulernissaa isumassarsionnissaalu siunertaalluni.

Kommunalbestyrelsip ileqquusumik siullermik ataatsimiinnerani 1. juuni 2021-mi piffissami qinigaaffiusumi 2021-miit 2025-mut ataatsimiitit angalanissaannut aaqqissuussaq akuersissutigineqarpoq (ilanngussaq 1). Aaqqissuussaq una malillugu Sanarfinermut Avatangiisinullu Ataatsimiititaq 2023-p affaani siullermi kommunip killeqarfiata avataani angalasussaavoq.

Sanarfinermut Avatangiisinullu Ataatsimiititaq Norgemut angalanera illoqarfiup ineriartupiloornerani najukkami misilittagaat, pingaartumik angallannerup aqqusineqarnerullu tungaatigut aallaaveqassaaq.

2023-p affaani kingullermi nunanut allanut angalanissami pingasunik periarfissaqarpoq. Taakku politikikkut ataatsimiinnissat, missingersuutininik isumaqatigiinniarnert, ukiaanerani sulinnigiffeqarnerit allallu eqqarsaatigalugit ingerlanneqarnissaat siunnersuutigineqarpoq.

1. Sap. ak. 38
2. Sap. ak. 46

Ingerlatsivimmit aningaasatigut sulisoqarnikkullu naliliinerit

Sap. ak. 46-mi periarfissaqissaarnerussasoq ingerlatsivimmiit nalilernerqarpoq. Sap. ak. 47-mi kommunalbestyrelsimi ataatsimiittoqassaaq, taamaalilluni angalanissanut aningaasartuutit ilaasortat Nuup avataaneersut eqqarsaatigalugit sipaarfiussaaq.

Suliffeqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- o Ataatsimiitit angalanissaannut pilersaarut



Ilangussat

1. Ataatsimiititat angalanissaannut aaqqissuussaaneq (1. juuni 2021-mi aalajangiussa)
2. Ataatsimiititat angalanissaannut pilersaarut

IMMIKKOORTOQ 4: Sanarfinermut Avatangiisinullu Ingerlatsiviup 2024-mi sanaartugassatut kissaatigisaanut missingersuusiornissamut misissueqqaarnissaq

Beslutning

Inassuteqaat 1:

Siullertut pingaarnersiorneqartoq: Qatserisartoqarfik nutaaq

Aappaattut pingaarnersiorneqartoq: Materielgårdenip allilernerá

Inassuteqaat 2: Inassuteqaat akuersissutigineqarpoq.

Ilanngussat

Tasiilami materialegårdip allilerneqarnera

Tasiilami qatserutaasiviup allilerneqarnera imaluunniit qatserutaasivik nutaaq

Sanarfinermut Avatangiisinullu Ingerlatsiviup 2024-mi sanaartugassatut kissaatigisaanut missingersuusiornissamut misissueqqaarnissaq

Aalajangiiffigisassaq

SagsID.: EMN-2023-03034

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- ingerlatsiviup 2024-mi sanaartugassatut kissaatigisaanut normui tulleriarlugit pingaarnersiukkat misissueqqaarnissami aalajangiiffigisassat:
 - o Tasiilami materialegårdip allilernerqarnera
 - o Tasiilami qatserutaasiviup allilernerqarnera imaluunniit qatserutaasivik nutaaq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq


2024-mut missingersuutissat suliarinerinut tapiliullugu ingerlatsivik sanaartugassatut kissaatinik arlalinnik ilanngussaqaassaaq, missingersuutinut ilaatikkusutaminik. Tamanna ilaatigut missingersuusiornermi ingerlatsiviit ataatsimiititallu akuutinniarlugit aamma Sanarfinermut avatangiisinullu ingerlatsivik sanaartugassatut kissaatini sorliit marloqiusamik aningaasalersueriaaseqalernerup kingorna salliunneqassanersut tamakkiisumik takunnissinnaaniassammat.

Ingerlatsiviit ataatsimiititallu kissaataat sanaartugassatut kissaatini pisariaqarnerpaajullutillu nukinginnarnerpaajussapput. Kissaatit kisitsisitalerlugit tulleriinnilersugaassapput, taamaalilluni ataatsimiititap naliliinera malillugu sanaartugassatut siullertut kissaatigineqartoq pingaarnerpaajulluni.

Tassunga atatillugu erseqqissaatigineqassaaq, sanaartugassatut kissaatit kommunalbestyrelsimit inaarutaasumik akuersissutigineqassappata, siullermik misissueqqaarnissamut aningaasaliissutiniit pilersaarummut aningaasaliinertut taallugu tunniunneqassapput, tassa sanaartugassatut aningaasaliissutitut sukumiisumik ingerlateqqinneqannginnerini. Pilersaarusiornertaata kingorna paasinarsippat piviusunngortinnissaanut 2 mio. koruunit sinnerlugu akeqassasoq, taava politikikkut akuersissutigineqqaassaaq.

Sanarfinermut Avatangiisinullu Ingerlatsiviup 2024-mi misissueqqaarnissamut sanaartugassat marluk inassuteqaatigai. Tamanna pillugu erseqqinnerusumik ilanngussaqaq 1 aamma 2 takukkit.

Figur 1. Model for todelt bevillingsprincip



Ingerlatsivimmit aningaasatigut sulisoqarnikkullu naliliinerit

Naatsorsuutigineqarpoq ingerlatsiviup ukiumut misissueqqaarnerit 5-10-t naammassisinnaagai sulisoqarnermi inissisimaneq, misissueqqaarnerit ataasiakkaat pisariussusaat kiisalu siunnersuisarnermik inuussutissarsiuteqartut akinik missiliuisussat ulapaarnerat apeqqutaatillugu. Misissueqqaarnissamut aningaasartuutit misissueqqaarnernut pilersaarusionermullu aningaasaliissutinik akilerneqassapput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppernarsaatillit

- Sanaartornermut iluarsartuussinermullu aningaasaateqarfimmut malittarisassat kommunalbestyrelsimit ulloq 28. marsi 2023-mi akuersissutigineqartut
- 2023-mut missingersuutit pillugit isumaqatigiissut marloqiusamik aningaasalersueriaasitalik
- 2024-mut missingersuutinut missingersuusiornissamut malittarisassat

Ilanngussat

1. Tasiilami materialegårdip allilerneqarnera
2. Tasiilami qatserutaasiviup allilerneqarnera imaluunniit qatserutaasivik nutaaq

IMMIKKOORTOQ 5: Kommunit pilsaarummut tapiliussatut siunnersuut 4B4-2, Inuussutissarsiteqarfik, mittarfiup avannamut kangiunganiittoq, Nuuk pillugu tamanut tusarniaaneq

Beslutning

Inassuteqaat akuersissutigineqarpoq.

Ilanngussat

Kommunit pilsaarummut tapiliussatut siunnersuut 4B4-2, Inuussutissarsiteqarfik, mittarfiup avannamut kangiunganiittoq, Nuuk

Kommunimut pilersaarummut tapiliussassatut siunnersuut 4B4-2, Inuussutissarsiuteqarfik, mittarfiup avannamut kangiatungaaniittoq, Nuuk pillugu tamanut tusarniaaneq

Aalajangiiffigisassaq

SagsID: EMN-2022-07334

Sanarfinermut Avatangiisinullu Ingerlatsivik - pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigaa:

- Kommunimut pilersaarummut tapiliussassatut siunnersuut 4B4-2, Inuussutissarsiuteqarfik, mittarfiup avannamut kangiatungaaniittoq, Nuuk, sapaatip-akunnerini 8-ni tamanut tusarniaassutigineqarnissaanik siunnersuut akuersissutigineqassasoq
- suliap tamanut tusarniaassutigineqarnissaa siunertaralugu Aningaasaqarnermut Inuussutissarsiorterimullu Ataatsimiititami aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 4B4-2 Inuussutissarsiuteqarfik, mittarfiup avannamut kangiatungaaniittoq, Nuuk, matumuuna saqqummiunneqarpoq.

Kommunimut pilersaarummut tapiliussaq 4B4-2 siusinnerusukkat tamanut tusarniutigineqarnikuvoq, tusarniummullu akissuteqaatit tiguneqartut tunngavigalugit malunnaatilimmik allannguisoqarpoq, imatut. Taamaattumik ingerlatsivimmit innersuussutigineqarpoq, kommunimut pilersaarummut tapiliussaq kingumut tamanut tusarniutigineqassasoq. Allannguutissat makkuupput:

- Immikkoortup ilaata killeqarfilersugaanera: immikkoortup ilaa kujataatungaaitigut kangimullu annikillisinneqassaaq, nalilerneqarlunili kimmum annertusineqassasoq, sumiiffimmi inuussutissarsiorterimik inerisaanissaq periarfissaqalerniassamat. Immikkoortuq ullumikkut immikkoortup ilaanut mittarfiornermut atugassiamut ilaavoq.
- Kitaatungaani nunaminertanut aqqusiornissaq periarfissaalersinneqarpoq
- Immikkoortup ilaani ujakkaartunut aamma qamuterallannut aqutit kangimut kimmullu allakkoortinneqalissapput
- Kitaatungaani sanaartorfissat pingasut annertussusii allanngortinneqarput

Immikkoortup ilaa 4B4-mi killiliussaq allanngortissaaq, tamannalu immikkuualuttunut 3E5-mut, 4E2-mut aamma 4D9-mut sunniuteqassaaq. Immikkuualuttoq 16 ha. miss. annertussuseqalissaaq. 4B4-mi nunami Nuup Kangerluata tungaanut avammum sammisumi sivinganeq, kujammullu Quassussuup saqqaata tungaa ilaapput. Immikkoortup ilaa aqqusaarlugu aqqusiniliortoqarnikuvoq, kisiannili 4B4 sanaartorfiunngilaq.

Immikkoortup ilaata atornerqarnera inuussutissarsiutinut kiisalu peqatigiiffinnut siunertanut aalajangersarneqassaaq, taakkununga nunaminertat maannakkut piumaneqartorujussuupput. Sukisaarsaarluni aqquteeqqat, immikkuualuttumiittut, immikkoortumi aqqutiliornikkut qulakkeerneqassapput.

Ingerlatsivimmit malugeqquneqarpoq, sanaartorfissiat aatsaat mittarfiliorterup naammassineqareerneratigut atorneqanngitsutut saqqummiunneqassammata, immikkoortumi sanaartornerup mittarfiliorteq kinguartissanngimmagu.

Siunnersuut sapaatip-akunnerini arfineq-pingasuni tamanut tusarniaassutigineqassaaq.

Matumani Kommunimut pilersaarummut tapiliussassatut siunnersuutip 4B4-2 akuersissutigineqarneratigut kommunimut pilersaarummut tapiliussaq 4B4-1 atorunnaarsinneqassaaq.

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq illoqarfimmi pilersaarusiortumut ataatsimut ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattallit

- Pilersaarusiorteq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Kommunimut pilersaarummut tapiliussassatut siunnersuut 4B4-2, Inuussutissarsiuteqarfik, mittarfiup avannamut kangiatungaaniittoq, Nuuk

IMMIKKOORTOQ 6: Paamiut pillugit 2024-mut Tamakkiisumik pilersaarutip tamanut tusarniaassutigineqarnera

Beslutning

Inassuteqaat akuersissutigineqarpoq.

Ilanngussat

2024-mut Paamiut pillugu tamakkiisumik pilersaarut pillugu siunnersuut

Paamiuni innuttaasunik soqtigisaqaqatigiinnillu ataatsimiisitsinermi suliniutissatut kissaatit suliarineri



Paamiut pillugit 2024-mut Tamakkiisumik pilersaarutip tamanut tusarniaassutigineqarnera

Aalajangiiffigisassaq

SagsID.: EMN-2023-00639

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- Paamiut pillugit 2024-mut Tamakkiisumik pilersaarutip sapaatip akunnerini arfineq pingasuni ingerlatsiviup tusarniaassutigissagaa akuersissutigineqassasoq
- suliaq Aningaasaqarnermut Inuusutissarsiornermullu Ataatsimiititamat akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit Paamiut pillugit 2024-mut Tamakkiisumik pilersaarut matumuuna saqqummiunneqarpoq.

Paamiut pillugit 2018-imut pilersaarut maannakkut atuuttoq 2023-p naalernerani atorunnaassaaq, taamaattumillu Paamiut pillugit 2024-mut atuuttussamik Tamakkiisumik pilersaarummik suliaqarnek ingerlatsiviup aallartippaa.

Paamiut pillugit 2024-mut Tamakkiisumik Pilersaarummi illoqarfiup qanoq ineriartortinnissaata illoqarfiup pitsaaqutai, unammillernartui, isumalluutai, periarfissai siunissamilu kissaatit ukkatarineqarput. Takornarialerineri inuusutissarsiornermiluunniit periarfissat uani pilersaarummi allaaserineqarnissaat siunertaanngilaq, illoqarfimmili ulluinnarni inuuneq illoqarfimmilu uummarissuutitsineq qitiutinneqarlutik.

Tamakkiisumik pilersaarummi anguniarneqarput siunissami pilersaarusiortarnissamat siunissamat ungasinnerusumik isigisumik ataatsimoorussamillu isiginnittumut anguniagaapput, aammali suliniutissat tigussaannerusut ukiuni tulliuuttuni piviusunngortinneqartussanut naatsorsuutigineqartunut.

Tigussaasumik suliniutit immikkoortunut arfinilinni ukuusuni nassuiaatigineqarput:

- Illoqarfimmi attaveqaatini ukkatarineqarput attaveqaasersuutini siuarsaanissaq illoqarfimmilu pisuinnarnut aqqutit pitsaanerulersinneqarnissaat
- Aqqutit siunertaraat illoqarfimmik misigisassarsiornermi annerusumik ataqatigiissitsineq kiisalu illoqarfimmik eqqaanilu pinngortitamik naapitsinermik ataqatigiissitsisumik.
- Illoqarfiup qeqqa uummaarissaq aqqusinernut tamaani appakaaffinnut biilinullu inissiisarfinnut ataatsimuulersitsissaaq ulluinnarni uninngaarnissamat pinnguarnissamullu kajuminnarluni
- Illoqarfimmi parki ataatsimoortarfissaq illoqarfimmi parkimik nukittorsaataassaaq ulluinnarni issiaartarfinngorlugu annertuunillu pisoqassatillugu katersuuttarfinngorlugu
- Sunngiffik sammisassallu allat eqqarsaatigalugit silami meeqqanut inuusuttunullu sammisassanik pilersitsinermut ukkatarineqassaaq
- Saliineq ingitsigassallu eqqarsaatigalugit pigisanik qimaannakkanik illunillu ingitsigassanik suliaqarnek ukkatarineqassaaq



Suliniutit ukiuni sisamani aggersuni missingersuutini ukiumut 3 millioner koruunit atorlugit anguneqarnissaat naatsorsuutigineqarpoq. 2023-mut Missingersuutini akuerisani 2023-miit 2026-mut sanaartugassanut missingersuutini ukiumut 3 millioner koruunit 2024-mut, 2025-mut 2026-mullu tamakkiisumik pilersaarutip piviusunngortinnissaanut immikkoortinneqarput.

Innuttaasunik peqataatitsineq

Tamakkiisumik pilersaarummik marsi 2023-mi suliaqarnermi Paamiuni suliaqartut peqatigalugit innuttaasunik peqataatitsiniarluni arlalinnik ataatsimiisitsisoqarpoq, matumani Najukkami ataatsimiisitaliaq, Inuusutissarsiornermut siunnersuisoqatigiit, Aalisartut Piniartullu Peqatigiiffiat PAPP, Paamiut Katersugaasiviat, Illu sannavik aamma Majoriaq peqataasoralugit. Tusarniaanerup nalaani tamanut ataatsimiisitsisoqarlunilu workshoppertitsisoqarpoq tassunga innuttaasut 40-t missaanniittut takkupput.

Peqataatitsinerup siunertaraa Paamiuni innuttaasut tamakkiisumik pilersaarummut ingerlataqalerlutillu piginneqataanissaat. Ataatsimiisitsinerni tamani tamakkiisumik pilersaarummut pingaaruteqartunik paasissutissanik, isummanik kissaatinillu tunniussuisoqarpoq, taakku nalunaarsuinerup ilaatillugit tamakkiisumik pilersaarutip siunertaanut tassungalu suliniuteqarfissanut tunngavissiisimapput.

Ataatsimiisitsinermi Paamiut siunissami ineriartortinnissaanut siunnersuutit katillugit 152-it tunniunneqarsimapput, taakkunannga siunnersuutit 46-t tamakkiisumik pilersaarummut ilaasussatut akuerineqarlutik. Suliniutit kissaatit ilanngussaq 2-mi allaaserineqarput.

Siunnersuut sapaatip-akunnerini arfineq-pingasuni tamanut tusarniaassutigineqassaaq.

Ingerlatsivimmit aningaasatigut sulisoqarnikkullu naliliinerit

Tamakkiisumik pilersaarummik suliaqarnissami ukioq naallugu suliffiit 1/2 pisariaqartinneqassasut pilersaarusiornermut immikkoortortamit nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. 2024-mut Paamiut pillugu tamakkiisumik pilersaarut pillugu siunnersuut
2. Paamiuni innuttaasunik soqutigisaqatigiinnillu ataatsimiisitsinermi suliniutissatut kissaatit suliarineri

IMMIKKOORTOQ 7: Kommunitut pilersaarummut tapiliussassatut siunnersuut 4A8-2 Ningitsivimmi inissiaqarfik, Nuuk

Beslutning

Inassuteqaat akuersissutigineqarpoq.

Ilanngussat

Kommunitut pilersaarummut tapiliussatut siunnersuut 4A8-2, Ningitsivimmi inissiaqarfik, Nuuk

Kommunimut pilersaarummut tapiliussassatut siunnersuut 4A8-2 Ningitsivimmi inissiaqarfik, Nuuk pillugu tamanut tusarniaaneq

Aalajangiiffigisassaq

SagsID.: EMN-2022-09549

Sanarfinermut Avatangiisinullu Ingerlatsivik - pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- kommunimut pilersaarummut tapiliussassatut siunnersut 4A8-2 Ningitsivimmi inissiaqarfik, Nuuk sapaatip-akunnerini arfineq-pingasuni tamanut tusarniutissatut akuerineqassasoq
- suliaq tamanut tusarniaassutigineqarnissaa siunertaralugu Aningaasaqarnermut Inuussutissarsiornermullu Ataatsimiititami aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsiviup matumuuna kommunimut pilersaarummut tapiliussassatut siunnersuut 4A8-2 Ningitsivimmi inissiaqarfik, Nuuk, saqqummiuppaa.

Kommunimut pilersaarummut tapiliussa 4a8-mut iluarsissutaavoq, immikkoortullu ilaani inissianik amerlanerusunut sanaartornissamut pingaarnertut periarfissinissaq kiisalu nunami inissisimanerat pissusissamisoornersoq sanaartorfissagissaanerlu najoqqutarineqarnersoq qulakkeerumallugu sanaartorfissat pioreersut inissisimaneranik nalilersuinissaq pingaarnertut siunertarineqarput.

Immikkoortup ilaa Qinnigutsinni inissisimavoq, sanaartorfineqarnikuunanilu. Kommunimut pilersaarutissatut siunnersuummi aalajangersarneqarpoq, immikkoortup ilaa 4A8 inissiaqarfissatut atorineqassasoq (A), ilaqutariillu ataatsit illuinik illullu affarleriikkaanik quleriinnillu illuliornernermut (A4) inissaqarpoq.

Matumani kommunimut pilersaarummut tapiliussami sanaartorfissiat 43-it inissialiornissamut atugassanngortinneqassapput. Immikkuualuttumi sanaartorfissat pingasut inissianut nalinginnaasunut atugassiaassapput.

Najugaqarfik immikkoortup atorineqarneranut isikkuanullu naleqqussarneqarsimassaaq aamma immikkoortup pitsaassusia sukisaarsarfittullu pingaarutai najugaqartunut innuttaasunullu avataaneersunut tikinneqarsinnaajuarnissaat qulakkeerneqassaaq.

Sanaartukkat

Immikkoortup ilaani 4A8-mi sanaartorfissiat atugassanngortinneqarput inissialiassat tamarmik kangerlummut isikkiveqarnissaat eqqarsaatigalugu. Inissiat qaqqap innaarsuunerata ilusaa malittarissavaat, sumiiffiullu nunataata sivinganerata sanaartukkat portussusaat quleriit 1-3-sut ilutigalugit inissianut nutaanut isikkivik pitsaasoq seqinermullu nuisasarnera qularnaassavai. Sanaartornissamut pilersaarummi sanaartorfiunngitsutut uninngatitat periarfissanngornerisa illoqarfimmi nunaannaat ilorrisimaarfissat, siunissamilu sinersilluni aqqutissaqalernissamut najugaqarfinnut sanilerisanut ingerlaarsinnaanngornissamut qaninnerulernissamullu periarfissat pilersissavaat.

Sanaartorfissat

Immikkoortup ilaani 4A8-mi sanaartorfissat 42-it atugassanngortinneqassapput, tulliuttumi erseqqinnerusumik nassuiarneqartut:

1-19: ilaqutariinnut ataasiakkaanut atugassiaapput, quleriit 1,5-iunissaat periarfissaalluni.

20-26: illunut sanileriaannut atugassiaapput, marlunnik quleriinngorlugit sanaartorneqarsinnaasut.

27-43: quleriiaannik inissianut atugassiaapput, pingasunik quleriinnik sanaartorneqarsinnaasut.

Angallannermut tunngasut / aqquserngit aqqusineeqqallu

Sumiiffimmi aqqusiniliortoqarpoq, immikkoortup ilaanik 4A8-p Aqqusineq Dronning Margrethe II-mut aamma Qinngutta sinneranut atassusiisumik. Sumiiffimmi aqqusineq inissianut aqqusinernut sisamanut atassuteqarpoq. Saniatigut immikkoortup ilaani aqqusinniornissamut periarfissaqarpoq.

Kommunimut pilersaarummut tapiliussassatut siunnersuut 4A8-2 tamanut sapaatip akunnerini 8-ni tusarniaassutigineqarpoq.

Naalagaaffiit Peqatigiit nunarsuaq tamakkerlugu anguniagaat

Anguniagaq 11: Illoqarfiit najukkamilu inuiaqatigiit piujuartitsisut



- Pilersaarummut tapiliussap illuliortaatsip qajannaatsup init inissaqarluartut akunnilersorluarsimasullu, piffissap ingerlanerani atortuarneqarsinnaasut ineriartormullu malinnaasut neqeroorutigineqarsinnaanissaat qulakkiissavaa

- Pilersaarummut tapiliussakkut qulakkeerneqassaaq, kikkut tamat isumannaatsumik angallassinnaajuarnissaat illoqarfimmilu sukisaarsaarfissaqqissuni atuisinnaanissaat

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu ingerlatsivimmi suliffiit pingajorarterutaannik tigusivoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattallit

- Pilersaarusiorneq aamma nunaminertat atorpeqartarnerat pillugit Inatsisartut inatsisissaat nr 17, 17 november 2010-meersoq
- Kommunimut pilersaarut digitaliusoq www.kp.sermersooq.gl

Ilanngussat

1. Kommunimut pilersaarummut tapiliussatut siunnersuut 4A8-2, Ningitsivimmi inissiaqarfik, Nuuk

IMMIKKOORTOQ 8: Kommunitut pilersaarummut tapiliusseq L9-1, Kiattua, Amitsuarsuk, Nuuk inaarutaasumik akuersissutigineqarnera

Beslutning

Inassuteqaat akuersissutigineqarpoq.

Ilanngussat

Tusarniaanermut akissutinik suliaqarneq

Tusarniaanermi akissutit tiguneqartut

Kommunitut pilersaarummut tapiliusseq L9-1, Kiattua, Amitsuarsuk, Nuuk

Kommunimut pilersaarummut tapiliusaaq L9-1, Kiattua, Amitsuarsuk, Nuuk inaarutaasumik akuersissutigineqarnera

Aalajangiiffigisassaaq

SagsID.: EMN-2022-06854

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliusaaq L9-1, Kiattua, Amitsuarsuk, Nuuk akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliusaaq L9-1, Kiattua, Amitsuarsuk, Nuuk, matumuuna saqqummiunneqarpoq. Kommunimut pilersaarummut tapiliusaaq L9-1 Kiattua, Amitsuarsuk, Nuuk siunnersuutitut piffissami 29. marsimiit 24. maajimut 2023-mi sapaatip-akunnerini arfineq-pingasuni tamanut tusarniaassutigineqarpoq. Piffissami tassani tusarniaanermut akissut ataaseq tiguneqarpoq, taannalu allannguuteqarnissamut pissutissaqartitsinngilaq.

Kommunimut pilersaarummut tapiliusaaq una tunngavigalugu immikkoortup ilaa L-imi nutaamik takornarialerineri siunertanut atugassiisoqassaaq. Immikkoortoq Kapisillit avannaatungaani Amitsuarsuup paavata nalaani kujallermiippoq. Kangerluk naggorissunik sivinganertaqartiterpoq, tamaanilu kuuit kuunnguillu arlaqarlutik. Immikkoortup ilaata kangiitungaa eqaloqarfiunngitsumik kooqarpoq. Kangerluk Thule aamma Noorliit kulturianeersunik ilaalu ilanngullugit qanganitsanik peqarfiuvoq, immikkoortullu ilaa Noorlit illukuat assitaliunneqarnikuuvoq, normoqarlunilu NKAH1470.

Immikkoortup ilaani sillajaanik salliarnartaqartiterpoq, taakkulu toqqinik assigisaanilluunniit inissiivissaqqippot, tassami manissukajaajullutillu sivingajaartumiippot, isikkivigissinnaassaqaarlut.

Immikkoortumi qattorngit katillugit aqqaneq-marluk sanaartorfigineqarsinnaappot, pigisanut ilioraaviit pinngortitamilu uffarfiit ilanngullugit, qattorngit arfineq-pingasut tupeqarfiussappot sulisut inissaannut, taavalu illu angisooq ataaseq, tassunga igaffik neriniartarfillu inissinneqassallutik. Qattorngit annertunerpaamik 50 m²-usinnaappot, qattunernilu pigisanullu ilioraaviit annerpaamik 6 m²-iullutik. Illu angisooq annerpaamik 140 m²-iussaaq, quleriit 1½. Sanaartorneqartut tamarmik nunamut naleqqussagaassappot, inississornerilu sapinngisamik nunamut tulluarsagaassallutik.

Sumiiffimmi aqqusineeraliortoqarsinnaavoq, tassuuna qulakkeerniarlugu pinngortitami nuna sapinngisamik allanngutsaalineqarnissaat. Aammattaaq sanaartornermut atatillugu puttasuliortoqarsinnaavoq, taannalu tamanit atorineqarsinnaasuussaaq. Aserfallatsaaliuinerimut atatillugu nunaminertamik piginnittussaataasooq pisussaaffeqartinneqassaaq.

Pilersaaruserfiusoq nukissiuutinik imminut pilersortussaavoq, tamannalu sapinngisamik seqernup qinngorneranik atuinermut pissaaq. Illuaqqat toqqilluunniit silataani qalipaataat avatangiisinut sapinngisamik ilassuuttuussappot.

Kommunimut pilersaarummut tapiliusseq uuma L9-1 Kiattua akuersissutigineratigut, Amitsuarsuk akuersissutigineratigut *O2 Inuilaarsuaq – Nerutusoq Avannarlermut* aalajangersakkat, immikkoortup ilaanut killiliussap iluaniittoq, atorunnaarsinneqassapput.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Pilersaarusionerit aamma nunaminertat atornerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisissaat nr. 34, 9. december 2015-meersoq
- Kommunimut pilersaarut digitaliusoq www.kp.sermersooq.gl

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliusseq L9-1, Kiattua, Amitsuarsuk, Nuuk

IMMIKKOORTOQ 9: Kommunitum pilersaarummut tapiliusseq, 1C26-2 Qitiusoqarfik Tuapannguit, Nuuk inaarutaasumik akuersissutigineqarnera

Beslutning

Inassuteqaat akuersissutigineqarpoq.

Ilanngussat

Tusarniaanermut akissutinik suliaqarneq

Tusarniaanermi akissutit tiguneqartut

Kommunitum pilersaarummut tapiliusseq, 1C26-2 Qitirsoqarfik Tuapannguit, Nuuk

Kommunimut pilersaarummut tapiliusaaq, 1C26-2 Qitiusoqarfik Tuapannguit, Nuuk inaarutaasumik akuersissutigineqarnera

Aalajangiiffigisassaaq

SagsID: EMN-2023-01130

Sanarfinermut Avatangiisinullu Ingerlatsivik – pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamat inassuteqaatigaa:

- kommunimut pilersaarummut tapiliusaaq 1C26-2, Qitirsoqarfik Tuapannguit, Nuuk, akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsiviup kommunimut pilersaarummut tapiliussatut siunnersuut 1C26-2 Qitiusoqarfik Tuapannguit, Nuuk, matumuuna saqqummiuppaa.

Kommunimut pilersaarummut tapiliusaaq 1C26-2 Qitiusoqarfik Tuapannguit, Nuuk siunnersuutitut piffissami 24.05.2023 – 05.07.2023-mi sapaatip-akunnerini arfinilinni tamanut tusarniaassutigineqarpoq. Piffissami tassani tusarniaanermut akissut ataaseq tiguneqarpoq, tunngaviummik allannguuteqartitsinermik kinguneqartoq. Allannguummi pineqarluni qaliani aneerasaartarfiit pillugit aalajangersakkat allaqqinneqassasut ilanngussisoqarlunilu. Aalajangersakkat allanngortinneqarput qaliani aneerasaartarfiit init quleriit amerlassusaannut ilanngunneqassasut aamma immikkuualuttumi sorlermi qaliani aneerasaartarfinnik pilersitsisoqassanersoq killiliisoqassalluni.

Matumani siunnersuummi immikkoortup siunertanut C-nut atorneqarnissaa aalajangersarneqarpoq, takornariaqarnerup iluani unnuiffissatut periarfissat inuussutissarsiornermut tunngasut siunertaralugit. Tassunga atatillugu atuuffiit allat soorlu neriniartarfiit, ataatsimeersuartarfiit ilaalu ilanngullugit sananeqarsinnaapput taakku unnuap qeqqata kingorna eqqaani najugaqartunut nipiliornermik akornusersuissanngippata. Immikkoortup ilaa illoqarfimmuut qanittumi inissiaqarfiit akornanni inissisimavoq, taakkulu suli pilerinartuussapput.

Immikkoortup sanaartorfigineqarnissaanut piumasaqaatit sukannernerusut ingerlatsiviup oqaaseqatigiinngortippai, taamaalilluni Tuapannguanit avataanut immamullu isikkivik qulakkeerneqassamat. Illoqarfiup illuliorfigineqarnerunera ilutigalugu, immamut, qaqqamut avataanullu isikkivik pingaaruteqaleraluttuinnarpoq. Taamaattumik piumasaqaat tamanna kommunimut pilersaarummut ilassummut allanneqarpoq sumiiffiup nutaamik atorneqarnissaanut piumasaqaatitut. Akerlianik periarfissiisoqassaaq, immikkoortup ilaani init quleriit arfineq marluk angullugit sanaartortoqarsinnaaneramik, tamanna nunataanut sanaartorfioreersunullu naleqqutsillugu.

Kommunimut pilersaarummut tapiliussami aalajangersarneqarpoq, sissaaq sinerlugu aqqutip allanngortinnissaa ajornarunnaarsillugu, tamanna suliniutissanut iluaqutaassappat. Taamaattoq pingaaruteqarpoq sissaaq sinerlugu aqqut ajornerulissanngitsoq aamma pingaaruteqarpoq taassuminnga atuisut takulluarsinnaassagaat sukkut qanorlu ingerlavimmit ingerlavimmut apuuttoqassanersoq. Sanaartukkamut ilanngullugu attaviup ilanngunneqarnissaa ajornanngilaq.

Ingerlariaqqinnissaq

Maanna atuuppoq kommunimut pilersaarummut tapiliusseq 1C26-2 kommunimut pilersaarut 1C26-1 atorunnaarsinneqarpoq.

Kommunimut pilersaarummut tapiliusseq akuerineqareerpat nunaminertaq qinnuteqarfigineqarsinnaasunngorlugu nalunaarutigineqassaaq.

Ingerlatsivimmit aningaasatigut sulisoqarnikkullu naliliinerit

Ingerlatsivimmi Kommunimut pilersaarummut tapiliussamik suliaqarnissami ukioq naallugu suliffiit 1/3 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq
- Inatsisartut inatsisaa nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Kommunimut pilersaarummut tapiliusseq, 1C26-2 Qitirsoqarfik Tuapannguit, Nuuk

IMMIKKOORTOQ 10: Pilersaarummut qinnuteqaatip KapiCamp Hoteli illuaqqallu inaarutaasumik akuersissutigineqarnera

Beslutning

Inassuteqaat akuersissutigineqarpoq.

Ilanngussat

Tusarniaatitsinermut akissummik suliaqarneq

Tusarniaanermut akissutit tiguneqartut

Pilersaarutitut qinnuteqaat KapiCamp Qaqqami hoteli illuaqqallu

Pilersaarummik piginnittup allagartai

Aningaasaqarneq pillugu nassuiaat

Naliliinissamut immersuiffissaq

Pilersaarutitut qinnuteqaatinik periuseq

Pilersaarutitut qinnuteqaatinik misissuinermi najoqqutassaq

Inatsisartut inatsisaat nr. 34, 9. december 2015-imeersoq



Pilersaarummut qinnuteqaatip KapiCamp Hoteli illuaqqallu inaarutaasumik akuersissutigineqarnera

Aalajangiiffigisassaq

SagsID: EMN-2022-08060

Sanarfinermut Avatangiisinullu Ingerlatsivik - pisortaq Søren Pedersen / SSKP

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- KapiCamp Qaqqami Hoteli illuaqqallu ingerlatsiviup nalorninartoqartitaa akuerineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Sanarfinermut Avatangiisinullu Ingerlatsiviup pilersaarummik piginnittoq Asimut Tours & Camp sinnerlugu pilersaarutit qinnuteqaat KapiCamp Qaqqami hoteli illuaqqallu matumuuna saqqummiuppa.

KapiCamp Qaqqami Hoteli illuaqqallu sapaatip akunnerani 8-ni tamanut tusarniaassutigineqarpoq piffissami 1. marsi 2023-miit 26. aprili 2023-p tungaanut. Piffissami tassani tusarniaanermut akissutit 3-t tiguneqarput taakkunannga ataaseq oqaaseqaatinik allannguuteqartitsinermik kinguneqarpoq. Tusarniaanerup nalaani Katuami paasissutissiilluni ataatsimiisitsisoqarpoq, tassunga innuttaasut 5-t missaanniittut takkupput. Pilersaarummik piginnittoq nammineerluni Kapisilinni paasititsiniaalluni aaqqissuussivoq, taamaattumik ingerlatsivik nunaqarfimmi kommunip allaffianit siunnersorneqareernermini taamaallaat Nuummi paasititsiniaalluni aaqqissuussivoq.

Pilersaarut

Pilersaarutit qinnuteqaat Kapisilinni qaqqap Pingo-p ataani inissisimassaaq, tassa qaqqap qaavata nunaqarfiullu akornanni.

Pilersaarummik piginnittoq nunaqarfimmi mikinerumaamik campiuteqareerpoq, taanna pingasunik assigiinngitsunik angissusilinnik illuarartaqarpoq, inunnut marluk tallimallu akornanni inissaqartitsiffiusut illuararlu anginerumaartoq ataatsimut sammisassaqartitsiviusoq.

Immikkoortunut agguataakkamik sanaartornissaq qinnuteqaatigineqarpoq, ukuninnga

- Qaqqami hoteli
- Illuaqqat immikkoortut 15-it
- Arsaattarfimmi pioreersumi multibaniliorneq
- Pilersaaruteqarfiusumut sioqqanik aqqusinniorneq

Campi assigiinngitsunik atuuffilik tunngaviatigut pineqarpoq, nunaqarfimmiunut, campimut eqqaanilu pinngortitamut ataqatigiissaarluagaasoq. Qaqqami hoteli 14-inik initaqarpoq, saaffiginnittarfeqarluni, isersimaartarfeqarluni, neriniartarfeqarluni atasumillu iggavilik kiisalu fitnessertarfik Neriniartarfik allanngortikkuminartuussaaq, ininut mikinernut sisamanut agguarneqarsinnaasoq.

Illuaqqat 30 m²-isut angissuseqartut, qaliaqassanngillat, isersimaartarfillit sinittarfillillu, taakkununga ilaallutik hemsí, perusersartarfik uffarfillu, iggavik nerisarfillu. illuaqqat tamarmik qisummik aneersaartarfeqarlutillu silami uffarfeqassapput (vildmarksbad).



Nunaqarfiup arsaattarfiani multibaniliornissaq ilanngullugu qinnuteqaatigineqarpoq, hotelimut atatillugu. Multibane silami sammisassaqartitsinermit atorneqassaaq, soorlu akisaasarsuit pississaarfissat ilaalu ilanngullugit (atortussani tamanna nassuiarneruneqanngilaq).

Pilersaarutitut qinnuteqaat una nunanit allanit takornarianut, qanittumit tikeraanut, inuussutissarsiortunut, suliffeqarfinnut ilaqutariinnullu sapaatip akunnerata naanerni tikittunut sammitinneqarpoq, siunniussaallunilu ukioq kaajallallugu sammisassaqartitsisoqarsinnaasarnissaq.

Nunataa illuliortaaserlu

Qaqqami hoteli nunaqarfimmi illuliortaaseq aallaavigalugu sananeqassaaq, illup qalia illugiinni assigiimmik uinganilik illullu silataa qisunnik qalligaq. Nunaqarfimmi innuttaasunik ataatsimiititsinermi illuliortaatsimut periarfissat pingasut saqqummiunneqarmata illup silataanut qisuk suliarineqanngitsoq toqqarneqarpoq. Inissisimaffianit isikkivik Kapisillip kangerluanut kujammut kimmukanneq sammerngani Nuup Kiinaasap tungaanut avannamut kangimukanneq sammerngani kangerlummut sikulimmut. Hotelip toqqaveqarfia illutaaniit annertunerungaatsiarpoq, taamaalilluni atuisussanut orniginartumik inissaqartitsilluarluni. Tamannalu ajornartorsiutaanaviangitsutut ingerlatsivimmi nalilerneqarpoq.

Illuaqqat kujammut kimmut sammerngani isikkivissaqarnissaq qulakkeerniarlugu imminnut nikingasunik inissisimassapput. Pilersaarummik piginnittup erseqqissaatigaa, campi ukioq kaajallallugu atorneqarsinnaasunngorlugu illut taakkulu atortulersuutitaat suliarineqassasut.

Avatangiisit piujuartitsinerlu

Pilersaarusiortiusoq nukissiuutinik imminut pilersortussaavoq, tamannalu sapinngisamik seqernup qinngorneranik atuinermi pissaaq. Qinnuteqartup ilisimatitsissutigaa, sanaartornerup nalaani Nukissiorfiit sarfamik pilersuina atorneqassasoq, siunissarli ungasinnerusoq eqqarsaatigalugu ajornartuinnermi taamaaliortarnissaq anguniagaavoq. Aammattaaq anguniarneqassaaq, nukissiuutinik pilersuinnermi sinneqartoorutit Nukissiorfimmut tunineqartarnissaat, taamaalilluni nunaqarfimmi dieselimik atuinermut annikillisaataatillugu.

Pilersaarummik piginnittumit allaaserineqarpoq, Kapisilinni suliffissaqartitsinissaq nunaqarfimmi ineriartortitsinissaq qulakkeerniarlugu nunaqarfimmiut akuutinneqarnissaat eqqarsaataasoq. Taakku saniatigut anguniarneqassaaq, Kapisilimmiunut Nuummiiunulluunniit meeqqanut/inuusuttunut suliffimmik misilivissaqarnissaq, taamaalilluni siunissaq ungasinnerusoq eqqarsaatigalugu takornialerinermit inuussutissarsiuteqarfimmi pilersitsinissaq soqutigineqarmat.

Ingerlatsivimmit nalilerneqarpoq, pilersaarut Kapisilinni kommunimilu inuuniarnikkut annertuumik iluaqutaassasoq.

Inerniliineq

Ingerlatsivimmit oqaatigineqarpoq, pilersaarusiamik piginnittoq Kapisilinni takornialerinermit tunngasunik najukkamilu suliffeqarfinnut pioreersunut unammillinngitsumik pisinniarfimmi alutornartunik nioqutilinnik ingerlataqareersoq. Innersuussutigalugu Kommunimut pilersaarut 2032, tassanimi kissaatigineqarpoq Kapisillit takorniarfissatut inerisarneqassasoq. Taamaalilluni taanna, piujuartitsinermit qitiutitsisunik suliaqarnermut, Kapisillit mingutsitsinngitsumik piujuartitsinermillu tunngaveqarluni ingerlanissaanik, Pilersaarusiortnermi periusissiami P18-imi, kommunalbestyrelsip takorluugaanut naapertuulluinnartut.



Piujartitsinermik qitiutitsisunik suliaqarneq, soorlu seqerngup qinngorneranik nukissiuutiliorneq aamma saanngutinngortitsisinnaasunik perusuersartarfiorneq tassaapput Kapisillit avatangiisinik mingutsitsinngitsumik piujartitsinermik tunngaveqarluni ingerlanissaanik Pilersaarusiornermi periusissiami P18-imi kommunalbestyrelsip takorluugaanut naapertuulluinnartut.

Ingerlatsivimmi nalilerneqarpoq, pilersaarut eqqarisamut, pinngortitamut avatangiisimullu tulluurtuusoq, kisiannili suliareqqinneqarnissaa eqqarsaatigalugu ataasiakkaanut tunngasunut piumasaaqateqarfiusariaqartoq. Tassunga ilanngullugu nunagissaaneq aamma multibanip annertussusissaa. Taamatuttaaqpilersaarutip piviusunngortinneqarsinnaanissaanut aningaasaqarnermut tunngasunik neriorsuutit malinnaatillugit nassiunneqassallutik.

Tamanna tunngavigalugu ingerlatsiviup pilersaarutitut qinnutigineqartoq akuerineqassasoq innersuussutigivaa, Nukissiorfiit qanimut oqaloqatigalugit suleqatigalugillu piujartitsisumik nukissiuteqarnissamut aaqqiissuteqarneq eqqumaffigeqquneqarpoq nunaqarfimmut inuiaqatigiinnullu iluaqutaanissaanik qulakkeerinnittumik.

Ingerlatsivimmit aningaasatigut sulisoqarnikkullu naliliinerit

Ingerlatsivimmit erseqqissaatigineqarpoq, pilersaarummik piginnittup kommunimut pilersaarummut tapiliussap suliarinissaanut aammalu ilaatigut VVM-imik misissuineq kiisalu atortunut, sanaartorfissagissaanermut sanaartormerimilu aningaasartuutissat tamaasa nammineq akilissagai.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Tusarniaatitsinermi akissummik suliaqarneq
2. Tusarniaanermi akissutit tiguneqartut
3. Pilersaarutitut qinnuteqaat KapiCamp Qaqqami hoteli illuaqqallu
4. Pilersaarummik piginnittup allagartai
5. Aningaasaqarneq pillugu nassuiaat
6. Naliliinissamut immersuiffissaq
7. Pilersaarutitut qinnuteqaatinik periuseq
8. Pilersaarutitut qinnuteqaatinik misissuinerimi najoqqutassaq
9. Inatsisartut inatsisissaat nr. 34, 9. december 2015-imeersoq

IMMIKKOORTOQ 11: Aningaasaqarnermut Inuussutissarsiornermullu Ataatsimiititap aamma Sanarfinermut Avatangiisinullu Ataatsimiititap angalanerannut nalunaarusiaq

Beslutning

Inassuteqaat akuersissutigineqarpoq.

Ilanngussat

Angalaneq pillugu nalunaarusiaq

Sanarfinermut Avatangiisinullu Ingerlatsivimmit saqqummiussineq

Saqqummiussaq A ANORI A/S-imiit

Saqqummiussaq B ANORI A/S-imiit

Imarsiortut attaveqatigiittarfianit saqqummiussaq

Aningaasaqarnermut Inuussutissarsiornermullu Ataatsimiititap aamma Sanarfinermut Avatangiisinullu Ataatsimiititap angalanerannut nalunaarussiaq

Nuuk, Kapisillit Qeqertarsuatsiaallu, 2023

Aalajangiiffigisassaq

SagsID: EMN-2023-02114

Suliffeqarfimmut Kiffartuussivik – kommunaldirektøri Ole Jakobsen / OJAK

Inassuteqaat

Suliffeqarfimmut Kiffartuussivimmit Sanarfinermut Avatangiisinullu Ataatsimiititamut inassutigineqarpoq:

- angalanermit nalunaarussiaq akuersissutigineqassasoq
- suliaq Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Aningaasaqarnermut Inuussutissarsiornermullu Ataatsimiititaq aamma Sanarfinermut Avatangiisinullu Ataatsimiititaq ulluni 15. - 17. maaji 2023-mi ataatsimoorlutik Nuummi, Kapisilinni aamma Qeqertarsuatsiaani angalapput.

Ataatsimiititap angalaneranni siunertarineqarpoq, Nuummi illoqarfiup ineriartortinneqarnissaanut pilersaarutit assigiinngitsut pilersaarutaasut aallartinneqartullu paasisaqarfiginissaat aamma Kapisilinni Qeqertarsuatsiaani namminneq nunaqarfimmini ineriartortitassanik isumassarsiaannik tusarniaanissaq.

Aningaasaqarnermut Inuussutissarsiornermullu Ataatsimiititamit peqataapput Borgmesteri Avaaraq Olsen (siulittaasoq), Juaaka Lyberth (ilaasortaq), Uju Petersen (ilaasortaq), Justus Hansen (ilaasortaq), Dorthe-Marie Mogensen-Fontain (ilaasortaq) aamma Inga Dóra G. Markussen (ilaasortaq).

Sanarfinermut Avatangiisinullu Ataatsimiititamit Pele Broberg (siulittaasoq), Uju Petersen (ilaasortaq), Naya Sophia Pedersen Lyberth (ilaasortaq) Lone Rosengreen Pedersen (ilaasortaq), Justus Hansen (ilaasortaq) aamma Peter Davidsen (ilaasortaq) peqataapput.

Allaffeqarfimmit aamma peqataapput Ole Jakobsen (kommunaldirektøri), Marie Fleischer (vicekommunaldirektøri), Asmus Jessen Rubæk (Sanarfinermut Avatangiisinullu Ingerlatsivimmi pisortaagallartaq), Runa Sværd (pilersaarusiornermut oqartussaaffeqarnermullu pisortaq), Mads-Daniel Skifte (inuussutissarsiornermut pisortaq), Kaare Winther Hansen (siunnersortaaneq), Agnes Olsen (aalisarnermut ingerlatsinermullu aqutsisoq), Anna Rún Ólafsdóttir (ataatsimiititami ataqatigiissaarisooq), Malene Sahlertz (immikkut siunnersorti), Sara Nissen (destination manager), Nikolaj Olsvig (oqalutsi) aamma Sofia Rotovnik (attaveqatigiinnermi sulioq).

Aningaasaqarnermut Inuussutissarsiornermullu Ataatsimiititap aamma Sanarfinermut Avatangiisinullu Ataatsimiititap angalanerminni ilikkakkatik aamma paasisatik ataatsimiititami suleriaqqinnerminni atussavaat.

Ingerlatsivimmit aningaasatigut sulisoqarnikkullu naliliinerit

2022-mi ataatsimiititap angalanissaannut katillugit 350.000 koruunit immikkoortinneqarnikuupput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Ataatsimiititap suleriaasia

Ilanngussat

1. Angalaneq pillugu nalunaarussiaq
2. Sanarfinermut Avatangiisinullu Ingerlatsivimmit saqqummiussineq
3. Saqqummiussaq A ANORI A/S-imiit
4. Saqqummiussaq B ANORI A/S-imiit
5. Imarsiortut attaveqatigiittarfianit saqqummiussaq

IMMIKKOORTOQ 12: Upalungaarsimanermut immikkoortumut pilersaarut 2023-2026

Beslutning

Inassuteqaat akuerineqarpoq ima allannguutitalerlugu: Paamiuni upalungaarsimanermut pisortap tullianut atorfik attatiinnarneqassaaq.

Ilanngussat

Upalungaarsimanermut immikkoortumut pilersaarut 2023-2026

Upalungaarsimanermut immikkoortumut pilersaarut 2023-2026-p itisilerneqarnera

Upalungaarsimanermut immikkoortumut pilersaarut 2023-2026

Aalajangiiffigisassaq

SagsID.: EMN-2023-03137

Sanarfinermut Avatangiisinullu Ingerlatsivik – pisortaq Søren Sohn Krog Pedersen / SSKP

Inassuteqaat

Sanarfinermut Avatangiisinullu Ingerlatsivimmit Sanarfinermut Avatangiisinullu Ataatsimiititamut inassuteqaatigineqarpoq:

- upalungaarsimanermut immikkoortumut pilersaarut, tassunga ilanngullugu nunaqarfinnut Arsuq, Kapisillit, Tiilerilaaq aamma Isertoq pillugit iluseq 3 (ilanngussaq 1-imi qupp. 11) akuersissutigineqassasut
- sanaartornermi missingersuusiordermi ilusiliussat 1 aamma 2 2024-mi missingersuutitut missingersuutissatut siunnersuummut ilaatinneqassasut
- suliaq Aningaasaqarnermut Inuusutissarsiornermullu Ataatsimiititamut Kommunalbestyrelsimullu aalajangiiffigisassanngorlugu ingerlateqqinneqassasoq

Suliassamik saqqummiussineq

Upalungaarsimasut immikkoortumut pilersaarutaat kingulleq 2016-imi suliarineqarlunilu akuersissutigineqarpoq, taamaattumillu nutaamik immikkoortumut pilersaarummik suliaqartoqarpoq, taannalu piffissami 2023 - 2026 atuutissaaq.

Kalaallit Nunaanni annaassiniarnissamat upalungaarsimaneq aamma ikuallattoornissamik qaartoornissamillu pitsaaliuineri iliuusissat pillugit Inatsisartut inatsisaat nr. 14, 26. maj 2010-meersumi § 10-mi allassimavoq, *"Annaassiniarnissamat upalungaarsimasut ajutoornermik ajunaarnersuarmilluunniit pisoqartillugu, kiisalu nunami akuutissanik ulorianartunik tassanngaannartumik ajutoortoqartillugu ikuallattoornissamat, inuit, pigisat avatangiisillu ajoqusernissaannut isumannaatsumik suliniuteqarsinnaassapput. Annaassiniarnissamat upalungaarsimasut aamma qimarngussat navialisullu allat tigooqqarneqarnerini, inissikkallarnernerini isumassorneqarnerinilu isumaginninnermi oqartussaasunut ikiuuttassapput"*.

Maajip aallaqqaataa 2022 aallarnerfigalugu, Kommunini annaassiniarnermut upalungaarsimasut annertussusissaannut minnerpaaffissaat pillugit Namminersorlutik Oqartussat nalunaarutaat atuutilerpoq. Tassani §3-mi imm. 2-mi allassimavoq, *"Kommunini annaassiniarnermut upalungaarsimasut. imm. 1 naapertorlugu isumannaatsumik suliaqarnissaq qulakkeerniarlugu tamanna pisariaqarpat, annertussusiliinernut minnerpaaffissatut aalajangersagaasut qaangerlugit inuttat suliaqarnermullu atortut amerlanerulersinnissaannut pisussaaffeqarput, ilanngullugu illoqarfimmi imaluunniit nunaqarfimmi sanaartukkanik, suliffeqarfinnik imaluunniit illuni immikkut navianaateqarsinnaasunik peqarpat, imaluunniit pissutsit allat assingusut imaluunniit siusinnerusukkut upalungaarsimanermi pisut, Annertussusiliinermut Minnerpaaffissat Naammangitsut, Ersarissisippassuk"*.

Imaappoq, illoqarfinni nunaqarfinnilu immikkut aarleqqutigineqartut eqqumaffigineqassapput. Taakkununga ilanngullugit imerpalasut ikuallajasut, gassit toqunartullit ikuallajasut, attaveqaatit atortulersuutillu umiarsualivinni mittarfeqarfinnilu, kemikaaliat, portusuunik imaluunniit pisariunerusunik illuliat, silaannaap pissusia il. il.

Upalungaarsimanermi immikkoortumut pilersaarummi pineqartut pillugit inerniliinermi immikkoortut matuma kinguliini pineqartut pillugit aalajangiisoqassaaq. Aningaasaqarnermut tunngasortaanik

aalajangiineq 2024-mut missingersuusiornermi pissaaq, periusissiat assigiinngitsut marluk saqqummiunneqassallutik, innersuussutigalugit kapitali 15 inassuteqaammilu aalajangiiffigisassat aappaat.

Immikkoortumut pilersaarut tunngaviatigut imatut pingaarnersiorneqarsinnaavoq:

Kapiteli 4 - Aaqqissuussaaneq.

- Upalungaarsimasoqarneq qatserisartoqarnernut marlunut avinneqassaaq, siunissamilu imaalissallutik Immikkoortoq Kangilleq aamma Immikkoortoq Killeq
- 2024-p 2025-llu ingerlanerani misissorneqassasoq, ingerlatsiviit kattuffiillu attuumassuteqartut suleqatigalugit inuusuttunik qatserisartuliortoqarsinnaanersoq

Kapitali 9 – Pitsaaliuineq.

- Upalungaarsimasut ukiut tamaasa kvartali siullermi kommunalbestyrelsimut ilisimatitsisassasut, ukiumi qaangiuttumi qatserinermik qimarnguissuineramilu sungiusarnerit qassiusimanersut
- Upalungaarsimasut malittarisassiussasut, assigiinngitsunik aaqqissuisoqartillugu qaqugukkut qatserisartunik sillimasoqarnissamik piunasaqaateqartoqassanersoq
- Kommuneqarfik Sermersuup suliffeqarfiutaanut qatserinermi ikiueqqaarnermilu atortunik tunisineq kiffartuussinerlu il.il. upalungaarsimasunit isumagineqassasut

Kapitali 11 – Ilinniarneq.

- Paamiuni Tasiilamilu ilinniarfiit pitsanngorsarneqassasut
- Nuummi KAIR peqatigalugu nutaamik qatserisartunut sungiusarfiliortoqassasoq - Taanna missingersuusiornermi immikkut sammineqassaaq

Kapitel 13 - Qatserinermi ajornartorsiutit.

- Upalungaarsimasut aqqartartunik pilersitsissanngitsut, kisianni Nuummi, Paamiuni aamma Tasiilami suliffeqarfiit aqqartartut pisussaaffiliinertaqanngitsumik isumaqatigiissuteqarfigineqassasut, ajornanngippallu suleqatigalugit
- Upalungaarsimasut Politiinik oqaloqatiginnissasut, Nuummi, Tasiilami Paamiunilu upalungaarsimasut kalerrisaarutaannik isumagininneq tigussagaat. Atorunnaarnissaat periarfissaasinnaavoq

Kapitel 14 - Siunissami upalungaarsimaneq.

- Paamiuni qatserutaasiviup iluarsartuunneqarnissaa/annertunngikkaluarmik allilerneqarnissaa, Tasiilami nutaamik qatserutaasivittaarnissaq kiisalu Ittoqqortoormiini nutaamik qatserutaasivittaarnissaq pisariaqartinneqarput. Taakku kissaatigineqarput sanaartornermullu missingersuusiornermi immikkut sammineqassallutik, taakkununga ilanngullugit misissueqqaarnermut kissaatit
- Ittoqqortoormiini nalorninaatit paasineqartut, atortunik sulisunillu amigaateqarneq aallaavigalugu Namminersorlutik Oqartussanut qinnuteqartoqassasoq, upalungaarsimanerlu eqqarsaatigalugu nunaqarfinnut 200-niit amerlanerusunik innuttalinnut sanillersuunneqassasoq illoqarfinnut 200-t 999-illu akornanni innuttalinnut sanillersuunnagu. Taamatut aaqqiisoqarneratigut inoqarfinni sisamani upalungaarsimaneq aappasinnerpaaffigisassamiit qaffasinnerulissaaq

Kapitali 15 - Aningaasaqarneq.

- atortunut, biiliniq qatserutinut illunullu nutaanut aningaasaliinissaq pillugu aalajangiisoqassasoq, upalungaarsimasunut aningaasalersueriaasissami iluseq 1 aamma 2

innersuussutigalugit. Ilanngussaq 2-mi qupp. 99-102-mi ilutsit marluk taakku itisilerneqarnerat takuuk

Immikkoortumut pilersaarut Kommunimi Upalungaarsimanermut Ataatsimiititaliami ulloq juunip 23-anni 2023-mi oqaluuserineqarlunilu akuerineqarpoq. Kommunimi Piginnaatitsinermik agguataarinissamut pilersaarut atuuttut naapertorlugu kommunalbestyrelse taannaavoq immikkoortumut pilersaarummik inaarutaasumik aalajangiisussaq.

Ingerlatsivimmit aningaasatigut sulisoqarnikkullu naliliinerit

Sanaartornermut iliusiliussanut ingerlatsivimmit nalilerneqarpoq, aaqqiissutissamut aningaasaqarnermut tunngasunik ilusiliussat marluusut, taakkulu 2024-mut missingersuusiornissamut immikkut sammineqartussanut ilaatinneqassasut. Upalungaarsimanermut immikkoortumut pilersaarummumut 2 mio.-inik aningaasaliissutitaqareerpoq.

Iluseq 1 upalungaarsimanermut aaqqiissutissatut tamakkiisuunerussaq, aningaasaqarnertaanut tunngasut apeqqutaatinnagit. Taamatut aaqqiissuteqarneq ukiunut sisamanut missingersuusiornermi ilanngaattissat ilanngaatigereerlugit 23,9 mio. kr.-nik aningaasaliissutitaqassaaq, agguaqatigiisillugit ukiumut 6 mio. missaaniulluni.

Iluseq 2 upalungaarsimanermut aaqqiissutissaq naammaginarthuussaaq, kommunillu aningaasaqarnera apeqqutaatinnearluni. Taamatut aaqqiissuteqarneq ukiunut sisamanut missingersuusiornermi ilanngaattissat ilanngaatigereerlugit 13,85 mio. kr.-nik aningaasaliinertaqassaaq, agguaqatigiisillugu ukiumut 3,5 mio. kr.-nit missaani.

Ingerlatsivimmiit sanaartugassanut ilusiliussaq 2 innersuussutigineqarpoq. Ingerlatsivimmiillu peqatigitillugu misissorniarnearluni atortunik attartorsinnaanermut periarfissaq. Attartornissaq iluatinnartinneqarpat politikikkut immikkut oqaluuserineqarnerani akuersissutigineqassaaq kiisalu tamatuma Naalakkersuisunit akuersissummik tunineqarnissaq anguniarlugu.

Arsuk, Kapisillit, Tiilerilaaq aamma Isertoq pillugit ingerlatsinermi iluseq 3 maannakkumut ingerlatsinermut missingersuutit iluanni matussuserneqarsinnaavoq.

Suliffeqarfimmumut Kiffartuussivimmit aningaasatigut naliliineq

Suliffeqarfimmumut Kiffartuussivimmit oqaatigineqarpoq, sanaartornermut tunngasuni ilusiliussanut assigiinngitsunut marlunnut ingerlanneqarsinnaasoq. Iluseq 2 innersuussutigineqarneranut Suliffeqarfimmumut Kiffartuussivimmiit ilalerneqarsinnaavoq.

Inatsisitigut tunngavissaq allakkallu tunngaviusumik uppernarsaatillit

- Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliusissat pillugit Inatsisartut inatsisaat nr. 14, 26. maj 2010-meersoq
- Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliusissat pillugit Inatsisartut inatsisaat nr. 14, 26. maj 2010-meersoq
- Inatsisartut inatsisaata 2010-meersup allannguuteqartinneqarnissaanik Inatsisartut inatsisissaannut nr. 14, 3. december 2012-imeersoq
- Kalaallit Nunaanni annaassiniarnissamut upalungaarsimaneq aamma ikuallattoornissamik qaartoornissamillu pitsaaliuinermi iliusissat pillugit Inatsisartut inatsisaata allangortinneqarnissaa pillugu Inatsisartut inatsisaat nr. 14, 27. november 2018-imeersoq
- Akunnittarfinni il.il., inini katersuuttarfinni, inini ilinniartitsiviusuni, ulluunerani paaqqinnittarfinni pisiniarfinnilu ikuallattoornaveersaartitsinermi iliusissat pillugit Namminersorlutik Oqartussat nalunaarutaat nr. 16, 3. oktober 2012-imeersoq

- Namminersornerullutik Oqartussat ikuallajasut pillugit nalunaarutaat nr. 9, 6. marts 1987-imeersoq
- Init imigassanik aalakoornartulinnik nioqquteqartarfiit sassaallertarfiillu aaqqissuunneqarneri atorneqarnerilu pillugit Namminersornerullutik Oqartussat Nalunaarutaat nr. 19 ulloq 29. marts 1990-imeersoq
- Aningaasanik ikisilluni pinnguaatinut akileraarut pillugu Inatsisartut inatsisaat nr. 3, 17. maaji 1990-imeersoq
- Kalâtdlit-nunâne kavterissartut nâlagainut iliitersût 31. januar 1980
- Umiarsualivinni malittarisassaqaartitsineq pillugu Namminersornerullutik Oqartussat nalunaarutaat nr. 1, 4. januar 2000-imeersoq.
- Imaani avatangiisit illersorneqarnissaat pillugu Inatsisartut inatsisaat nr. 15, 8. juni 2017-imeersoq
- Qummoroortaatnik toqqortaartarneq pillugu Namminersornerullutik Oqartussat nalunaarutaat nr. 19, 9. december 2004-meersoq
- Qaartiterutissat pillugit Namminersornerullutik Oqartussat nalunaarutaat nr. 16, 16. juli 2007-imeersoq
- Qummoroortaatnik toqqortaartarneq pillugu Namminersornerullutik Oqartussat nalunaarutaat nr. 37, 16. decembari 2022-meersoq
- Qatserisartoqarfinni sulisut ilinniartitaanerat pillugu Namminersornerullutik Oqartussat nalunaarut nr. 33, 6. september 2001-imeersoq.
- Kommuniini annaassiniarnermut upalungaarsimasut annertussusissaannut minnerpaaffissaat pillugit Namminersorlutik Oqartussat nalunaarutaat nr. 62, 1. november 2021-meersoq

Ilanngussat

1. Upalungaarsimanermut immikkoortumut pilersaarut 2023-2026
2. Upalungaarsimanermut immikkoortumut pilersaarut 2023-2026-p itisilerneqarnera

IMMIKKOORTOQ 13: Kommuneqarfik Sermersuup aamma K benhavn's Kommuniata akornanni illoqarfittut ikinngutigittut suleqatigiinneq pillugu isumaqatigiissuteqarneq

Beslutning

Suliaq kinguartinneqarpoq. Ingerlatsivik qinnuigineqarpoq suleqatigiissutissatut suut periarfissaanerini siunnersuusioqqullugu.

Ilanngussat

Kommuneqarfik Sermersuup aamma K benhavn's Kommuniata akornanni illoqarfittut ikinngutigittut suleqatigiinneq pillugu isumaqatigiissuteqarnissamut qaaqussissut

Suleqatigiiffigineqarsinnaasut pillugit allattukkat sulianut ataatsimiititalianit akuerisat (K benhavn's Kommune)



Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarneq

Aalajangiiffigisassaq
SagsID.: EMN-2023-02155
Suliffeqarfimmut Kiffartuussivik - Ole Jakobsen / OJAK

Inassuteqaat

Suliffeqarfimmut Kiffartuussiviup Sanarfinermut Avatangiisinullu Ataatsimiititamut inassuteqaatigaa:

- Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu malittarisassaliorneq akuersissutigineqassasoq
- illoqarfiit pingaarnersaasa marluusut akornanni ataatsimut suliniutissatut siunnersuutit suliarineqassasut
- siunnersuutit Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuersissannngorlugit ingerlateqqinneqassasut

Suliassamik saqqummiussineq

Aggustip ulluisa 25-anni 2022 Københavns Kommuniani borgerrepræsentationimi aalajangerneqarpoq, Københavni Rådhusalimi Naalagaaffeqatigiinni erfalasut pingasut atornerqartalissasut, erseqqissaatiginiarlugu Naalagaaffeqatigiinnermi nunat naligiissut pingasut imminnut ataqatigiinnerat. Tassunga atatillugu Københavns Kommunimit kissaatigineqarpoq Naalagaaffeqatigiinnermi illoqarfiit pingaarnert pingasut suleqatigiinnissaat annertusarneqassasoq illoqarfittut ikinngutigiiittut suleqatigiinnissamik inaarutaasumik isumaqatigiissuteqarnikkut, Københavns Kommuniata Overborgmesteriata Sophie Hæstorp Andersenip Borgmesterimut Avaraaq Olsenimut pisortatigoortumik qaaqqussisutaa innersuussutigalugu (takuuk Ilanngussaq 1).

Kissaatigineqarpoq, illoqarfiit pingaarnert pingasut suleqatigiinnerisa annertusarneqarneratigut illoqarfiit iluaquserneqassasut kulturikkut isumassarsioqatigiittarnikkut, pigiliutiinnakkanik annikillisaanikkut, ilisimasanik avitseqatigiinnikkut aammalu ataatsimoortumik piujuartitsinermik ineriartortitsinikkut. Tamanna pissaaq illoqarfiit pingaarnert akimorlugit suliniutinik eqqarsaqatigiinnikkut.

Københavns Kommuniani sulianut ingerlatsiviit suleqatigiinnissamut suliniutissat pillugit siunnersuusiorsimapput suliassaqarfiit arlallit akimorlugit, taakkulu politikikkut sulianut tunngasuni ataatsimiititaliani akuersissutigineqarsimapput (takuuk Ilanngussaq 2). Taamatuttaaq Kommuneqarfik Sermersuumi politikikkut ataatsimiititat ataavartut suleqatigiinnermi suliniutissatut siunnersuutinik allanik, suliassaqarfimminnut tunngasunik, suliappaqquneqarput. Siunnersuutit taakku illoqarfiit pingaarnersaasa marluusut akornanni ilisimasanik piginnaasanillu avitseqatigiinnermit periarfissaasinnaasunik atorluaanissamik tunngaveqarluni pisariaqartitsinermi kissaateqarnermilluunniit tunngaveqarsinnaapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq



Inatsisitigut tunngavissaq allakkallu tunngaviusumik uppersaattillit

- Nuuk - Issittumi Illoqarfiit Pingaarnersaat Nuuk pillugu Illoqarfiit Pingaarnersaattut Periusissiaq

Siusinnerusukkut aalajangiinerit

Kommunalbestyrelsi, 23.05.23:

Suliffeqarfimmut Kiffartuussiviup Kommunalbestyrelsimut inassuteqaatigaa:

- Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu malittarisassaliorneq akuersissutigineqassasoq

Inassuteqaat itigartissutigineqarpoq. Saaffiginnissut ataatsimiititani tamani suliarineqassasoq Kommunalbestyrelsimut aalajangiiffigineqarpoq, taamatuttaaq kingusinnerusukkut illoqarfittut ikinngutigiiittut suleqatigiinnerup imarisassaa suleqatigiinnerullu malittarisassiornissaa Kommunalbestyrelsip isummerfigiumaaraa aalajangiiffigineqarluni.

Ilanngussat

1. Kommuneqarfik Sermersuup aamma Københavns Kommuniata akornanni illoqarfittut ikinngutigiiittut suleqatigiinneq pillugu isumaqatigiissuteqarnissamut qaaqqusissut
2. Suleqatigiiffigineqarsinnaasut pillugit allattukkat sulianut ataatsimiititalianit akuerisat (Københavns Kommune)

IMMIKKOORTOQ 14: Oqaluuserisassanut tapiliusseq: Kuummiuni majuartarfiit pillugit siunnersuut

Beslutning

Ataatsimiititamit ingerlatsivik inanneqarpoq majuartarfiit sapinngisamik piaartumik suliaritinneqarnissai pillugit.

Ilanngussat

Majuartarfiit assigat

Kuummiuni majuartarfiit pillugit siunnersuut

Ataatsimiititami ilaasortap Peter Davidsenip (S) Sanarfinermut Avatangiisinullu Ataatsimiititamut siunnersuutaa

Aalajangiiffigisassaq
SagsID: EMN-2023-02703

Inassuteqaat

Ataatsimiititami ilaasortap Peter Davidsenip (S) Sanarfinermut Avatangiisinullu Ataatsimiititamut inassuteqaatigaa:

- siunnersuut ataatsimiititami oqaluuserineqassasoq taamatullu suliap ingerlateqqinneqarnissaa aalajangiiffigineqassasoq

Suliassamik saqqummiussineq

Ataatsimiititami ilaasortap Peter Davidsen (S) ulloq 28. juuni 2023-mi Sanarfinermut Avatangiisinullu Ataatsimiititamut aalajangiiffigisassatut siunnersuummik nassiussivoq.

Ataatsimiititami ilaasortamit Peter Davidsenimit (S) kissaatigineqarpoq Kuummiuni utoqqaat najugaqatigiiffiata majuartarfii Sanarfinermut Avatangiisinullu Ataatsimiititamit eqqartorneqassasoq.

Tunngavilersuut:

"Kuummiini utoqqaat illuisa tummerai aserorluinnarsimasut navianaqisullu maanna kingunipiloqartissipput. Tummeqaat ajorluinnarput assullu aseqqukuullutik.

Upernariartornerani utoqqaat ilaat tassuuna ammuksarniarilluni orlugami niuminik napivoq.

Assut naleqqutinngilluinnarput ulorianarlutillu. Piaartumillu sularineqarnissaat sulissutigineqartariaqarpoq. Taamaattumik ataatsimiititaliap suligasuarnissaa assut pisariaqarpoq.

Assit ilanngunneqarput takuneqarsinnaaniassammat qanoq iluarsaattariaqavitsigut.

Soorumami neriutigaara majuartarfiit piaartumik sularineqassasut, tassa ingerlatsiviup iluani ataatsimiinnissaq utaqqinngikkaluarlugu aaqqiiffigineqarsinnaappata utoqqarnik ajornerusumik ajutoorfioqqitsinnagit. Tamanna pisinnaappat qujanassaqaq."

Siunnersuut qanoq aningaasaliiffigineqassava?

Ingerlatsiviup iluani aserfallatsaaliinermut aningaasaliissutiniik.

Inatsisitigut tunngavissaq allakkallu tunngaviusumik uppernarsaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
§ 13. Kommunalbestyrelsimut ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutini saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3: Kommunalbestyrelsimut ilaasortap kialuunniit kommunip susassaarfii pillugit kommunalbestyrelsimut suliassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliap

oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq.

Ilannussat

1. Majuarterfiit assigat

IMMIKKOORTOQ 15: Lukket

IMMIKKOORTOQ .: Taasariaqartut allat

IMMIKKOORTOQ .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15:54.